

Mazarin
3466

Requete burlesque de Paritisans

UNIVERSITY OF N.C. AT CHAPEL HILL



00023009619

RARE BOOK
COLLECTION



THE LIBRARY OF THE
UNIVERSITY OF
NORTH CAROLINA
AT
CHAPEL HILL
Mazarin
3466

REQUESTE BURLESQUE
DES
PARTISANS
A V
PARLEMENT



A PARIS,
Chez IACQUES GVILLERY, rue des Sept-
Voyes, devant le College de Fortet,
proche Mont-Aigu.

M. DC. XLIX.
AVEC PERMISSION.

THE NEW YORK PUBLIC LIBRARY

ASTOR LENOX TILDEN FOUNDATION

500 N. 5TH ST. NEW YORK, N. Y.

1900

THE NEW YORK PUBLIC LIBRARY

ASTOR LENOX TILDEN FOUNDATION

500 N. 5TH ST. NEW YORK, N. Y.


1900

THE NEW YORK PUBLIC LIBRARY

ASTOR LENOX TILDEN FOUNDATION

500 N. 5TH ST. NEW YORK, N. Y.

1900



3
REQUESTE BURLESQUE
DES PARTISANS
AV PARLEMENT.



VPPLIE avec humilité
Le Scindicq & Communauté
De l'Agent qui d'argent de peuple
Aussi bien les grands que le peuple,
Maltotiers autrement nommez,
Mordans comme Loups affamez,
Exigeans sur toutes d'entrées
Droits de sorties ; ou bien d'entrées,
Prenans force decoctions
D'imposts, ou de Subuentions,
Mangeans en bisques ou amelettes
Du pauvre peuple la Caillete,
Prenans tous les iours vn bouillon
D'aydes, de Tailles, & de Taillon.
Ayant beaux logis beaux Carrosses,
Et cheuaux qui ne sont pas roses.
Meublez comme gros Financiers
Et vestus en mille-soudiers,
Faisans grand feu & bonne table,
Mais au despens du miserable.
Iotians à la prime & grand flux
Les droits & gaiges des Esleuz,
Maintenant si gueuse racaille,
Qu'ils n'ont pas vn habit qui vaille
Et les femmes à tous les Iours
Mettent leurs antiques atours,
A faute de trouuer des dupes
Qui leur baillent nouuelles iupes,
Dont certes c'est moult grand pitié
Pour eux & leur chere moitié,
Qui va bagues & joyaux vendre,
Pour de la male-faim deffendre

944.03

M475m

No. 3766

872367

Sa geniture & son mary,
 Qui de ce est tres fort marry.
 Mais faut appaiser la furie
 De Monsieur le ventre qui crie,
 Et voudroit bien tant estre goulü
 Qu'il ne fust point ventre d'un Esleu,
 Et de telle magistrature
 Ne tirer aucune nourriture,
 Se voyant traitter en coquin,
 Quoy qu'ils portent soye & satin,
 Et iurant s'il n'a de quoy paistre
 D'enuoyer au Diable son Maistre,
 Qui n'ayant maille ny denier
 Tout son saoul le laisse crier.
 Iadis faisoient bien autre chere,
 Quand y auoit moindre misere,
 Car manant quand chez eux alloit,
 Sous bure porter souloit,
 Pour estre rauallé de taille,
 Grasse oye, ou bien quelque volaille.
 D'autre fois perdrix ou Lapin,
 Achepté de son saint Crespin.
 Telle viande estoit chérie
 Plus que celle de boucherie,
 Que mainte-fois on delaissoit,
 Pour le Chappon qui rotissoit.
 Mais à présent que nul n'apporte
 Et que necessité tres forte
 Retient le Payfan chez soy,
 Pour faire deniers pour le Roy,
 Et vendant cheuaux & charuë
 Pour subuenir à la grand cruë
 N'ozant s'en venir au marché
 De crainte d'y estre accroché
 Par sattellites qu'on apposte
 Pour le faire descendre en poste
 Dans vn Repaire de Crapaux
 A faute de payer son taux.
 De la disette du Village
 Se sent bien leur pauvre mesnage

Puis

Puis tous leurs gages retranchez
 Font qu'ils sont mal enharnachez,
 Et qu'en leurs Cuisines & Caues
 N'y a que du Cidre & des raues.
 Encore c'est chose claire à tous
 Qu'ils n'en māgent pas tous leur saouls;
 Leur table en pauureté superbe,
 Faict, qu'on dit en commun prouerbe,
 Il n'est rien de si morfondu
 Que la Cuisine d'un Esleu,
 Sans que de tel dire on excepte
 Presidens, ou faisans recepte,
 Qui n'ont sur si triste troupeau
 Qu'une voix plus & un bureau.
 Mais en laissant là leur mes-aize
 Et si proluxe parenthese,
 Vous remonstrent les Partisans
 De toutes especes, D I S A N S,
 Qu'ils ont appris à la mal-heure
 Que Majesté, quoy que mineure,
 Sans réfléchir par elle assez
 Dessus leurs seruices passez,
 A créé Chambre de Justice,
 Pour que Financiers on punisse.
 Mais pourtant c'est un à sçauoir
 Sy Regente a eu le pouuoir
 De fulminer des bulles telles
 A ses bons Suiets, si mortelles,
 Car c'est en purs termes de droit
 Tout ce que Majeur pourroit.
 Ne tenant lieu que de Tutrice
 Et de simple administratrice,
 Qui ne peut rien sans nullité
 Changer durant minorité.
 Or ce faisant la bonne Reyne
 Sans doubte le fondz alliene
 Du Roy, nostre Maistre son Fils,
 Qu'on sçait estre au rang des pupils,
 Et qui est dans son indigence
 Secouru de nostre finance

Sy que sans nostre credit prompt
 L'Estat eust receu maint affront.
 Cependant nous donnant la chaste,
 Comme à quelque maudite race,
 De nous outrager on permet,
 Et par tel Edit on nous met,
 Nous, dont l'argent soustiét la France,
 Dans le danger de la Potence.

Nosseigneurs, ce considere,
 Il vous plaist de vostre gré
 Nous recevoir par ces presentes
 Appellans de telles patentes,
 Tant comme d'abus bien constant
 Qu'aussy de juge incompetant.
 Mais d'incompet assez notoire
 Ainsi qu'en auons bon memoire;
 Et de tel enregistrement,
 Comme fait precipitément,
 Sans piece veüe, à la volée,
 Sans parties ouyes ou appellees,
 Sur des deffauts mal obtenus,
 Et dires de nouueaux venus
 De peu d'aage & d'experience
 Dans les matieres de Finances,
 Qui nepeuvent encore scauoir
 Combien il fait bon auoir
 A titre de bon Pensionnaire,
 Ou bien en quelque autre maniere.
 Tant ya que nous soutenons
 Que nos moyens d'appel sont bons,
 Et soit au fondz, soit en la forme
 Y a vice en telle reforme,
 En la forme, bas iusticiers
 Ne sont iuges de Financiers.
 Or Parlement (c'est vostre grace)
 A seulement Iustice basse,
 Et si chastier il nous faut
 Ce doibt estre Chambre d'En-haut,
 Au fonds voler Prince & Patrie
 N'est pas vn crime qu'on chastie.

On le souffre pour faire court
 Aux Prouinces comme à la Cour,
 Et loing de le punir en France,
 Au contraire on le recompense.
 Encore d'autres moyens auons
 Que bien conseillez reseruons,
 Puis que celuy-cy l'on dedaigne.
 Aux assisses d'un autre regne
 Où connoistra posterité
 Qu'en ce trop viste on a esté,
 Et qu'on fit chambre de Iustice
 Pour manger nouveau pain-d'Espice,
 Et non point pour aucuns subiectz
 Vtiles à Princes & subjectz,
 Ainsi comme tout chacun conte:
 Qui est pourtant vn grand mesconte.
 Donc sur nostre appel droit faisant
 Faut, Nosseigneurs, dès à present
 Declarer cette belle Bulle
 Vitieuse, abusive & nulle,
 Pour les cas touchés cy-dessus
 Et bien d'autres qui ne sont sceus:
 Du moins nous donner sur-seance
 Ou plustost de bonnes deffences,
 Faisant sur peine d'attentat
 Demeurer choses en estat.
 Que si par vn coup qui nous outre
 Nonobstant l'appel, on passe-outre
 Sans nullement y deferer
 Affin de nous desesperer,
 Non plus que Requeste Ciuile
 De chicane dernier azyle,
 Ou proposition d'erreur,
 Voyes de droit & de douceur:
 Du moins ayans esgard aux offres
 Que faisons de vuidier nos coffres
 De la finance qu'auons pris,
 En vertu de legions d'Editz,
 Plains de Cire de mainre sorte
 Mais non pas pourtant assez forte,

Ayant pour durer longuement
 Besoin du sceau du Parlement,
 Et de ces plumes souueraines
 Qui rendent patentes certaines
 Et sans quoy n'y a seureté
 D'aduancer à sa Majesté.
 Donnez vne ordonnance prompte.
 Que parties viendront à compte
 Si deuons, voulons en ce cas
 Payer comptant les reliquas,
 Que Iustice, qui nous lanterne
 Contre seule bource decerne,
 Veniat, ou prise de Corps,
 Si bien que corde en soit dehors.
 Assez ce nous est d'infortune
 De donner toute nostre pecune
 Sans estre encore comme Iobertz
 Pendant d'oreilles de giberz.
 Et vous, Nosseigneurs, des Enquestes
 Qui grondez comme des Tempestes,
 Songez sans ruer plus grands coups
 Que sommes hommes comme vous;
 Que vostre corps qui si haut clame,
 Cesse de chanter nostre game,
 Suiuant l'exemple du Seigneur,
 Qui ne veut la mort du pecheur.
 Ayez compassion de toute
 La famille de la Maltoute,
 Aucuns de vous bien piaffans
 Ont l'honneur d'estre ses Enfans:
 Du Ciel n'attirez la colere
 En faisant mourir vostre Mere,
 Et sans deliberer sauuez
 La vie, à qui vous la deuez.
 Pour vostre sang fermez la bouche,
 Et qu'autre interest ne vous touche.
 Faisant ainsi vous ferez bien,
 Et mieux encore, n'en faisant rien.

